

**Азаматтық қызметшілер болып табылатын және ауылдық жерде жұмыс істейтін денсаулық сақтау, әлеуметтік қамсыздандыру, білім беру, мәдениет, спорт және ветеринария саласындағы мамандар лауазымдарының тізбесін айқындау туралы**

### *Күшін жойған*

Ақмола облысы әкімдігінің 2016 жылғы 29 сәуірдегі № А-6/200 қаулысы. Ақмола облысының Әділет департаментінде 2016 жылғы 26 мамырда № 5385 болып тіркелді. Күші жойылды - Ақмола облысы әкімдігінің 2017 жылғы 27 қаңтардағы № А-2/27 қаулысымен

**Ескерту. Күші жойылды – Ақмола облысы әкімдігінің 27.01.2017 № А-2/27 ( ресми жарияланған күнінен бастап қолданысқа енгізіледі) қаулысымен.**

**РҚАО-ның ескертпесі.**

**Құжаттың мәтінінде түпнұсқаның пунктуациясы мен орфографиясы сақталған.**

Қазақстан Республикасының 2015 жылғы 23 қарашадағы Еңбек кодексiне сәйкес, "Азаматтық қызметшілер болып табылатын және ауылдық жерде жұмыс істейтін денсаулық сақтау, әлеуметтік қамсыздандыру, білім беру, мәдениет, спорт және ветеринария саласындағы мамандар лауазымдарының тізбесін келісу туралы" Ақмола облыстық мәслихатының 2016 жылғы 15 сәуірдегі № 6С-2-3 шешімінің негізінде, Ақмола облысының әкімдігі **ҚАУЛЫ ЕТЕДІ:**

1. Азаматтық қызметшілер болып табылатын және ауылдық жерде жұмыс істейтін денсаулық сақтау, әлеуметтік қамсыздандыру, білім беру, мәдениет, спорт және ветеринария саласындағы мамандар лауазымдарының тізбесі осы қаулының қосымшасына сәйкес айқындалсын.

2. Осы қаулының орындалуын бақылау Ақмола облысы әкімінің орынбасары Д.З.Әділбековке жүктелсін.

3. Осы қаулы 2016 жылдың 1 қаңтарынан бастап орын алған құқықтық қатынастарға тарайды.

4. Облыс әкімдігінің осы қаулысы Ақмола облысының Әділет департаментінде мемлекеттік тіркелген күнінен бастап күшіне енеді және ресми жарияланған күнінен бастап қолданысқа енгізіледі.

*Облыс әкімі*

*С.Кулагин*

Ақмола облысы әкімдігінің  
2016 жылғы 29 сәуірдегі  
№ А-6/200 қаулысына  
қосымша

# **Азаматтық қызметшілер болып табылатын және ауылдық жерде жұмыс істейтін денсаулық сақтау, әлеуметтік қамсыздандыру, білім беру, мәдениет, спорт және ветеринария саласындағы мамандары лауазымдарының тізбесі**

## **1. Денсаулық сақтау мамандарының лауазымдары:**

- 1) мемлекеттік мекеме мен мемлекеттік қазыналық кәсіпорынның басшысы және басшының орынбасары;
- 2) барлық мамандықтағы дәрігерлер, акушер, диеталық мейіргер, тіс дәрігері (дантис), тіс технигі (тіс протездеу бөлімшесінің, кабинетінің зертханашысы), мейіргер, провизор (фармацевт), зертханашы (медициналық), психолог маман, рентген зертханашысы, фельдшер, әлеуметтік қызметкер, қоғамдық денсаулық сақтау маманы (эпидемиолог, статистик, әдіскер), тәрбиеші, логопед.

## **2. Әлеуметтік қамсыздандыру мамандарының лауазымдары:**

- 1) мемлекеттік мекеме мен мемлекеттік қазыналық кәсіпорынның басшысы және басшының орынбасары;
- 2) аудандық және қалалық халықты жұмыспен қамту орталығының басшысы;
- 3) үйде қызмет көрсету ұйымының (үйде әлеуметтік көмек көрсету бөлімшелері; қызметтерді алушылардың тұрғылықты жері бойынша үйде қызмет көрсету жағдайларында арнаулы әлеуметтік қызметтер көрсетуге арналған ұйымдар) басшысы; жартылай стационарлық үлгідегі ұйымның (күндіз болу бөлімшесінің; аумақтық және оңалту орталықтарының; қызметтерді алушылардың ұйымда ұзақ немесе уақытша (6 айға дейінгі мерзімге) күндіз болу жағдайларында арнаулы әлеуметтік қызметтер көрсетуге арналған ұйымдар);
- 4) барлық мамандықтағы дәрігерлер, мейіргер, диеталық мейіргер, фармацевт, мәдени ұйымдастырушы, зертханашы, нұсқаушы, психолог, әдіскер, инспектор, музыкалық жетекші;
- 5) әлеуметтік жұмыс жөніндегі маман;
- 6) әлеуметтік жұмыс жөніндегі консультант;
- 7) жұмыспен қамту орталығының (қызметінің) құрылымдық бөлімшесінің маманы;
- 8) қарттар мен мүгедектерге күтім жасау жөніндегі әлеуметтік қызметкер;
- 9) психоневрологиялық аурулары бар жасы 18-ден асқан мүгедек балаларға күтім жасау жөніндегі әлеуметтік қызметкер;
- 10) арнаулы әлеуметтік қызметтерге қажеттілікті бағалау және айқындау жөніндегі әлеуметтік қызметкер.

### 3. Білім беру мамандарының лауазымдары:

1) мемлекеттік мекеме және мемлекеттік қазыналық кәсіпорынның басшысы және басшысының орынбасары;

2) мемлекеттік мекеме және мемлекеттік қазыналық кәсіпорынның әдістемелік кабинеттің (орталықтың), психологиялық-медициналық-педагогикалық консультация кабинеті, мектепке дейінгі білім беру ұйымының басшысы және басшысының орынбасары;

3) мемлекеттік мекеме және мемлекеттік қазыналық кәсіпорынның филиалының, институттың басшысы (меңгерушісі, директоры) және басшысының (меңгерушісінің, директорының) орынбасары;

4) мемлекеттік мекеме және мемлекеттік қазыналық кәсіпорынның оқыту бөлігінің басшысы (меңгерушісі);

5) оқу-өндіріс шеберхананың басшысы (меңгерушісі);

6) кітапхананың басшысы (меңгерушісі);

7) мектепке дейінгі, бастауыш, негізгі орта, жалпы орта, арнайы (түзету) және мамандандырылған білім беру ұйымдарының барлық мамандықты мұғалімдері, оның ішінде мұғалім-диффектолог (олигофренопедагог, сурдопедагог, тифлопедагог), мұғалім-логопед, бастапқы әсери даярлықты ұйымдастырушы оқытушы, техникалық және кәсіптік, орта білімнен кейінгі білім беру ұйымдарының өндіріске үйрету шебері;

8) техникалық және кәсіптік, орта білімнен кейінгі ұйымның оқытушы-шебері;

9) әлеуметтік педагог;

10) педагог-ұйымдастырушы;

11) қосымша білім беретін педагог;

12) педагог-психолог;

13) тәрбиелеуші, тәрбиешінің көмекшісі;

14) ЖОО-ның, техникалық және кәсіптік, орта білімнен кейінгі ұйымның оқытушысы, оның ішінде бастапқы әскери даярлықты ұйымдастырушы оқытушы, ЖОО-ның аға атқарушысы;

15) техникалық және кәсіптік, орта білімнен кейінгі ұйымның оқытушысы, оның ішінде бастапқы әскери даярлықты ұйымдастырушы оқытушы;

16) мәдени ұйымдастырушы, көркемдік жетекші;

17) логопед;

18) педагог-психолог, психолог;

19) техникалық және кәсіптік, орта білімнен кейінгі ұйымның, әдістемелік кабинеттің (орталықтың) әдіскері;

- 20) музыкалық жетекші (негізгі қызметтердің), аккомпониатор (негізгі қызметтердің), концертмейстер (негізгі қызметтердің);
- 21) жүзу бойынша нұсқаушы;
- 22) дене тәрбиесі нұсқаушысы;
- 23) тәлімгер;
- 24) кітапханашы;
- 25) мейірбике (мейіргер);
- 26) әлеуметтік жұмыс жөніндегі маман, әлеуметтік жұмыс жөніндегі (кеңесші) консультант;
- 27) емдәмдік мейірбике;
- 28) хореограф (негізгі қызметтердің), хореограф;
- 29) аудармашы;
- 30) әдіскер (негізгі қызметтердің), әдіскер;
- 31) зертханашы.

#### **4. Мәдениет мамандарының лауазымдары:**

- 1) ауылдық маңызы бар мемлекеттік мекеме мен мемлекеттік қазыналық кәсіпорынның басшылары, мемлекеттік мекеме мен мемлекеттік қазыналық кәсіпорынның басшысы және басшының орынбасары; мемлекеттік мекеме мен мемлекеттік қазыналық кәсіпорынның бөлімінің басшысы; мемлекеттік мекеме мен мемлекеттік қазыналық кәсіпорын филиалының (сектор, тобы, бөлімі, зертханасы) басшысы, мемлекеттік мекеме мен мемлекеттік қазыналық кәсіпорынның шаруашылық қызмет көрсетумен айналысатын құрылымдық бөлімшенің жетекшісі, мемлекеттік мекеме мен мемлекеттік қазыналық кәсіпорын көркемдік жетекшісі, кітапхана, студия басшысы және басшысының орынбасары;
- 2) архив қоймасының меңгеруші;
- 3) мемлекеттік мекеме мен мемлекеттік қазыналық кәсіпорынның режиссерлық, музыкалық бөлім, көркемдік қойылым бөлімі, өндірістік шеберхана, концерттік зал, әдістемелік кабинет, қалпына келтіру шеберханасы, кітапхана, зертхана меңгерушісі (басшысы);
- 4) мемлекеттік мекеме мен мемлекеттік қазыналық кәсіпорынның бас: әкімші, қорларды сақтаушы, режиссер;
- 5) экскурсовод, ғылыми қызметкер, музейлер қорын есепке алу архивісті;
- 6) музыкалық жетекші, аранжировщик, аккомпаниатор, балетмейстер, кітапханашы, библиограф, хормейстер, мәдени ұйымдастырушы, барлық атаудағы суретші, дыбыс режиссері, барлық атаудағы техниктер, режиссер, суретші – реставратор, суретші, әкімші (негізгі қызметтер), кезекші әкімші,

хореограф, редактор, мұрағатшы;

- 7) барлық атаудағы әдістемеші, әдістемеші;
- 8) қазақ, орыс, ағылшын тілдер мұғалімі;
- 9) аудармашы;
- 10) психолог.

## **5. Спорт мамандарының лауазымдары:**

1) мемлекеттік мекеме мен мемлекеттік қазыналық кәсіпорынның басшысы және басшының орынбасары;

2) спорттық құрылыс, цех (топ басшысы), цех (топ басшысы) басшы (меңгеруші);

3) нұсқаушы (нұсқаушы-спортшыдан басқа), әдіскер, психолог, жаттықтырушы-оқытушы, аға жаттықтырушы, барлық мамандықтағы дәрігерлер, медициналық бике (аға) (мамандандырылған));

4) барлық мамандық мұғалімдері;

5) әлеуметтік педагог, педагог-психолог, педагог-ұйымдастырушы, тәрбиеші.

## **6. Ветеринария мамандарының лауазымдары:**

1) ветеринар дәрігер;

2) ветеринарлық станцияның басшысы және басшының орынбасары;

3) ветеринар фельдшер.